

Broj: 101-9429/26 DžS *brs*.

Zenica 07.09.2026. godine

Na osnovu člana 72., stav 3., tačka a) i člana 64. Zakona o javnim nabavkama („Službeni glasnik BiH“, broj: 39/14, 59/22, 50/24), a u skladu sa članom 26. i 27. Statuta Javnog preduzeća «Vodovod i kanalizacija», direktor Javnog preduzeća «Vodovod i kanalizacija» d.o.o. Zenica donosi

O D L U K U

o dodjeli ugovora drugorangiranom ponuđaču

I

Ugovor u postupku nabavke izgradnje solarne elektrane dodjeljuje se drugorangiranom ponuđaču

Elektrocentar Petek d.o.o. Tuzla

prema ponudi broj: 601-6617/26 od 24.06.2026. godine, a nakon e-aukcije za ostvarenu cijenu od 40.000,00 KM bez uračunatog PDV-a.

Prvobitno ponuđena cijena izabranog ponuđača u iznosu od 64.309,27 KM nakon provedene e-aukcije umanjena je za 37,8 %.

Ugovor se dodjeljuje drugorangiranom ponuđaču nakon što je prvorangirani ponuđač propustio u propisanom roku dostaviti tražene dokaze o kvalificiranosti (tačka 3, strana 8. tenderske dokumentacije).

II

Ovom Odlukom stavlja se van snage Odluka o izboru najpovoljnijeg ponuđača broj: 101-8317/26 ASt od 05.08.2026. godine.

III

Prijedlog ugovora dostavit će se na potpis izabranom ponuđaču u skladu sa članom 98. Zakona o javnim nabavkama BiH.

IV

Za izvršenje ove Odluke zadužuje se Komisija za nabavke, Odjeljenje za pravne poslove i ljudske resurse, te Odjeljenja za komercijalu i finansije u preduzeću.

V

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama („Sl. glasnik BiH“ broj: 39/14, 59/22, 50/24).

VI

Ova Odluka objavit će se na web-stranici <http://www.vikze.ba/>, istovremeno sa upućivanjem ponuđačima koji su učestvovali u postupku javne nabavke.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 101-4900/26 BS od 21.05.2026. godine. Javna nabavka je provedena putem otvorenog postupka sa zaključivanjem ugovora na period od 4 mjeseca.

Procijenjena vrijednost javne nabavke bez uračunatog PDV-a je 65.000,00 KM.

U predmetnom postupku nabavke je zaprimljeno šest ponuda u zatvorenoj koverti, i to:

1. Suvego Smart Solutions d.o.o. Sarajevo
2. Conram d.o.o. Brčko
3. Braća Karić d.o.o. Zenica
4. Elektrocentar Petek d.o.o. Tuzla
5. Enerdyne d.o.o. Sarajevo
6. Deling d.o.o. Tuzla

Ugovorni organ je ponuđačima koji su dostavili formalno-pravno ispravne i tehnički prihvatljive ponude, shodno odredbi čl.4. Pravilnika o načinu korištenja e-aukcije, zakazao e-aukciju za dan 04.08.2026. godine, u terminu od 12:00 sati.

Konačne ponude, nakon završetka postupka e-aukcije su bile:

1. Suvego Smart Solutions d.o.o. Sarajevo, sa ukupnom cijenom ponude u iznosu od 39.500,00KM bez PDV-a
2. Elektrocentar Petek d.o.o. Tuzla, sa ukupnom cijenom ponude u iznosu od 40.000,00KM bez PDV-a
3. Deling d.o.o. Tuzla, sa ukupnom cijenom ponude u iznosu od 52.000,00KM bez PDV-a
4. Enerdyne d.o.o. Sarajevo, sa ukupnom cijenom ponude u iznosu od 58.124,00KM bez PDV-a

Slijedom navedenog, Komisija za nabavku je dana 05.08.2026. godine direktoru preduzeća dostavila Zapisnik o ocjeni ponuda broj: 601-8315/26 ASt od 05.08.2026. godine sa preporukom o izboru najpovoljnijeg ponuđača, Suvego Smart Solutions d.o.o. Sarajevo, sa ukupnom cijenom ponude u iznosu od 39.500,00KM bez PDV-a.

U postupku ocjene provedenog postupka direktor preduzeća nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za nabavku. Iz navedenih razloga, primjenom i člana 32. i člana 64., stav 1., tačka (b) Zakona o javnim nabavkama BiH („Službeni glasnik BiH“, broj: 39/14, 59/22, 50/24) ugovorni organ je dana 05.08.2026. godine donio Odluku o izboru najpovoljnijeg ponuđača, broj: 101- 8317/26 ASt.

Predmetna Odluka je dana 06.08.2026. godine dostavljena svim učesnicima u postupku, putem e-maila i putem pošte.

Izabrani ponuđač, Suvego Smart Solutions d.o.o. Sarajevo, je potvrdio prijem Odluke o izboru najpovoljnijeg ponuđača, međutim, nije u propisanom roku od 5 dana od dana obavještanja o izboru (tačka 3, strana 8. tenderske dokumentacije), dostavio tražene dokaze o kvalificiranosti iz člana 45. i 47. Zakona o javnim nabavkama, zbog čega nisu ispunjeni uslovi za zaključenje ugovora sa izabranim ponuđačem.

Imajući u vidu dužinu trajanja postupka nabavke, ugovorni organ je dana 20.08.2026. godine od svih učesnika u postupku zatražio produženje važenja roka ponude za dodatnih 60 (šezdeset) dana.

Saglasnost za produženje roka važenja ponude dostavila su 4 (četiri) ponuđača i to:

1. Elektrocentar Petek d.o.o. Tuzla
2. Enerdyne d.o.o. Sarajevo
3. Suvego Smart Solutions d.o.o. Sarajevo
4. Conram d.o.o. Brčko

Imajući u vidu sve naprijed navedeno, a postupajući po člana 72., stav (3), tačka (a) Zakona o javnim nabavkama, ugovorni organ je donio Odluku o dodjeli ugovora drugorangiranom ponuđaču Elektrocentar Petek d.o.o. Tuzla, kao što je navedeno u članu 1. ove Odluke.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 10 (deset) dana od dana prijema Odluke.


DIREKTOR:
Pašalić Emir, dipl.ing.građ.

DOSTAVLJENO:

- 1 x Ponuđačima
- 1 x Tehnički direktor
- 1 x Dir.za razvoj i invest.
- 1 x Pom.dir. za pravne poslove
- 1 x Pom.dir. za ekonomske poslove
- 1 x Odjeljenje za javne nabavke
- 3 x Članovima Komisije
- 1 x Sekretar Komisije
- 1 x a/a